

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНинг
ҚАРОРИ**

**ЎЗБЕКИСТОН РЕСПУБЛИКАСИ ОЛИЙ ТАЪЛИМ ТИЗИМИДА
МАГИСТРАТУРА ФАОЛИЯТИНИ ЯНАДА ТАКОМИЛЛАШТИРИШ, УНИНГ
САМАРАДОРЛИГИНИ ОШИРИШ ЧОРА-ТАДБИРЛАРИ ТҮҒРИСИДА**

(Ўзбекистон Республикаси қонун ҳужжатлари тўплами, 2007 й., 37-38-сон, 384-модда)

«Таълим түғрисида»ги Ўзбекистон Республикаси **Қонуни** ва Кадрлар тайёрлаш **миллий дастури** талабларига мувофиқ республикада олий таълим тизимининг иккинчи босқичи сифатида магистратуранинг норматив-хуқуқий базаси ишлаб чиқилди, ўкув жараёнини ташкил этишнинг асослари белгиланди ва ўкув-методика комплекси, ахборот таъминотининг янги авлоди жорий этилди, илмий-педагогик кадрлар таркиби шакллантирилди.

Ўкув жараёнини, олий таълим босқичларининг узлуксизлиги ва изчиллигини таъминлайдиган норматив-методик ҳужжатлар ишлаб чиқилди ва тасдиқланди.

Таълим, фан ва ишлаб чиқариш интеграциясини ривожлантириш мақсадида малака амалиёти ҳамда Давлат аттестация комиссиялари фаолияти Ўзбекистон Республикаси Фанлар академиясининг замонавий техника ва технологияларга эга бўлган ишлаб чиқариш базаларида, илмий лабораторияларида, ташкилотлари ва илмий-тадқиқот институтларида ташкил этилди.

Магистрларнинг қизиқишиларини ошириш ҳамда уларнинг илмий фаолиятини қўллаб-қувватлаш учун мунтазам равишда илмий конференциялар ўтказилмоқда, уларга чет тиллар ўргатилмоқда, ўкув жараёнига замонавий ахборот ва педагогика технологиялари жалб этилмоқда.

Ўтган икки ўкув йили мобайнида магистратурада ўрганилаётган предметларнинг ўкув дастурлари қайта ишлаб чиқилди ва янгиланди.

Олий таълим муассасаларида магистратуранинг 20 тадан ортиқ янги мутахассисликлари очилди.

Шу билан бирга, бугунги кунда магистратура фаолиятини ташкил этиш, шунингдек кадрлар ва ахборот ресурслари базалари билан таъминлаш билан боғлиқ муаммолар мавжуд.

Чунончи, кадрлардан фойдаланувчилар (иш берувчилар)нинг аксарияти магистратурани битирувчиларга нисбатан қўйиладиган малака талаблари түғрисида тўлиқ ва тўғри тасаввурга эга эмас. Магистратурани битирувчилардан белгиланган мақсадда фойдаланмаслик ҳоллари мавжуд.

Ўқитишининг замонавий техник воситалари бугунги кун талабларига мувофиқ эмас, илмий ва маҳсус адабиётларнинг этишмаслиги сезилмоқда, фан ва технологияларнинг янги ютуқлари ўкув жараёнига тезкорлик билан жорий этилмаяпти, таълим, фан ва ишлаб чиқаришни самарали интеграциялаш тўлиқ даражада амалга оширилмаяпти, буюртмачиларнинг магистрлар тайёрлаш жараёнидаги амалий улуси мавжуд эмас.

Магистратура таълими сифатини оширишга муайян улуш қўшаётган юқори малакали профессор-ўқитувчи кадрларни моддий ва маънавий қўллаб-қувватлашнинг самарали методларидан тўлиқ фойдаланилмаяпти.

«Таълим түғрисида»ги Ўзбекистон Республикаси **Қонуни** ва Кадрлар тайёрлаш **миллий дастурига** мувофиқ магистратура фаолиятини ташкил этишни тубдан такомиллаштириш ва унинг самарадорлигини ошириш, мамлакатимиз иқтисодиёти тармоқлари учун кадрлар тайёрлашнинг сифатини ҳамда рақобатбардошлилигини оширишни кучайтириш, юқори малакани ва маънавий-ахлоқий сифатларни шакллантириш, шунингдек магистратурада таълим-тарбия жараёнини норматив-хуқуқий ва илмий-методик жиҳатдан таъминлаш мақсадида ҳамда Ўзбекистон Республикаси Президентининг 2007 йил 30 майдаги ПҚ-645-сон **карорини** бажариш юзасидан Вазирлар Маҳкамаси қарор қиласидан:

1. Магистратурани ислоҳ қилиш ва янада ривожлантиришнинг мақсадли дастури [1-иловага](#) мувофиқ тасдиқлансин.

2. Белгилаб қўйилсинки, магистрлар тайёрлаш жараёнига энг юқори малакали ўқитувчилар ҳамда фан доктори ва фан номзоди илмий даражаларига, профессор ва доцент илмий унвонларига эга бўлган олимлар, шунингдек давлат ва жамиятни модернизация қилиш, бозор иқтисодиётини ривожлантириш, ишлаб чиқаришни ахборотлаштириш шароитларида иш тажрибасига эга бўлган амалиётчи мутахассислар жалб этилади.

3. Ўзбекистон Республикаси Олий ва ўрта маҳсус таълим вазирлиги, олий таълим муассасаларига эга бўлган вазирликлар ва идоралар, «Истеъдод» жамғармаси бир ой муддатда:

ўқитувчилар ва ёш олимларнинг мамлакатимиз ва чет эллардаги етакчи университетларда ва илмий марказларда тажриба ортиришларини (уларнинг натижаларидан бири магистратурада ўқитиш сифатини оширишдан иборат), хорижий мутахассислар билан биргаликда магистратура дастурлари учун дарсликлар ва ўкув қўлланмалари нашр этилишини;

республиканинг олий таълим муассасаларига педагогик ишларга юборилган магистратура битирувчиларига уларнинг университетларда ва илфор технологияли илмий марказларда малака оширишлари учун зарур шарт-шароитларни, шунингдек магистратура ўкув предметлари бўйича ўкув-методик материаллар ишлаб чиқилишини ҳамда ўкув жараёнига замонавий илм-фан ютуқлари жорий этилишини таъминлаш бўйича амалий чора-тадбирларнинг истиқболли дастурларини ишлаб чиқсанлар ва тасдиқласинлар.

4. Вазирлар Маҳкамаси хузуридаги Давлат тест маркази Ўзбекистон Республикаси Олий ва ўрта маҳсус таълим вазирлиги ҳамда олий таълим муассасаларига эга бўлган бошқа вазирликлар ва идоралар билан биргаликда:

магистрлар тайёрлаш билан банд бўлган педагог кадрларни қайта тайёрлаш ва малакасини ошириш сифати мониторингини, шунингдек уларнинг малака даражасини баҳолашни амалга оширсин;

магистрларни ўқитиш ва тайёрлаш сифати ўрганилишини ташкил этсин ва унинг сифати назорат қилинишини таъминласин;

олий таълим муассасаларида магистратура мутахассислари рўйхатини қайта кўриб чиқсан ва ҳар йили 1 марта гача белгиланган тартибда Ўзбекистон Республикаси таълим муассасаларига ўқишга қабул қилиш бўйича давлат комиссиясига магистратурага қабул қилиш параметрлари бўйича асосланган таклифлар киритсин.

5. Ўзбекистон Республикаси Олий ва ўрта маҳсус таълим вазирлигининг 2008 йил 1 январдан бошлаб республика олий таълим муассасаларида олий таълим муассасаларининг бюджетдан ташқари маблағлари ҳисобига иш ҳақи фонди ва маъмурий-бошқарув ходимлари сони доирасида [2-иловага](#) мувофиқ магистратура бўлимлари ташкил этиш тўғрисидаги таклифига розилик берилсин.

Магистратура бўлимларига кафедралар ва деканатлар билан биргаликда куйидагилар юклансин:

магистрлар тайёрлаш бўйича ўкув жараёнини ташкил этиш ва таъминлашга, улардаги таълим ва ўқитиш сифатини назорат қилишга кўмаклашиш;

ўкув-изланиш ва илмий-тадқиқот ишлари амалга оширилишини таъминлаш;

олий таълим муассасалари барча бўлинмаларининг магистрлар тайёрлаш бўйича фаолиятини мувофиқлаштириш ва назорат қилиш;

магистрларни ўқитиш ва уларнинг ишга жойлашиши устидан мунтазам мониторингни амалга ошириш, магистрлар тайёрлаш масалаларини мунтазам равища таҳлил қилиш ва улар юзасидан ҳисоботлар тайёрлаш.

6. Вазирликлар, идоралар ва кадрлардан асосий фойдаланувчилар бўлган бошқа ташкилотлар магистрлар тайёрлаш жараёнида фаол қатнашсинглар ҳамда уларнинг меҳнатидан самарали фойдаланилишини таъминласинлар, магистрантларнинг амалий

машғулотларда қатнашишлари, етук мутахассисларнинг магистрлик тайёргарлигига раҳбарлик қилишларига жалб этилиши, реал топшириклар бўйича диссертациялар тайёрлашга, уларнинг таълим-касбий фаолиятини ташкил этиш учун ишлаб чиқариш салоҳиятидан фойдаланиш учун зарур шарт-шароитлар яратсинлар.

7. Ўзбекистон Республикаси Олий ва ўрта маҳсус таълим вазирлиги:

Ўзбекистон Республикаси Фанлар академияси билан биргаликда магистратура таълим жараёнини фундаментал ва амалий фанлар билан реал интеграциялаш, Фанлар академиясининг етакчи олимларини ҳамда унинг моддий-техника базасини магистрантларни ўқитиш ва улар томонидан илмий-тадқиқот ишларини амалга ошириш, уларнинг натижаларини амалиётга жалб этиш бўйича Ҳаракатлар дастурини ишлаб чиқсин ҳамда уни 2008 йилдан бошлаб амалга оширишга киришсин;

бир ой муддатда Магистратура тўғрисидаги Низомга ушбу қарор талабларига мувофиқ ўзгартириш ва қўшимчалар киритсин.

8. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Қосимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2007 йил 10 сентябрь,
190-сон

Вазирлар Махкамасининг
2007 йил 10 сентябрдаги 190-сон қарорига
1-ИЛОВА

Магистратури ислоҳ қилиш ва янада ривожлантиришнинг мақсадли дастури

T/p	Тадбирлар мазмуни	Бажариш санаси	Бажариш учун масъуллар	Молиялаштириш манбалари	Кутилаётган натижа
1.	Кўйидагиларга қўшимча ва ўзгартиришлар киритиш: — магистратурунинг фаолият кўрсатиши ва ривожланишини тартибиға солувчи норматив-методик хужжатлар; — «Магистратура тўғрисида низом» ва уни белгиланган тартибида тасдиқлаш; — Бакалавриат ва олий таълим магистратураси мутахассисларни классификатори	2007 йил декабрь	Олий ва ўрта маҳсус таълим вазирлиги, олий таълим муассасаларига эга бўлган вазирликлар ва идоралар	Кўзда тутиладиган бюджет ва бюджетдан ташқари маблағлар доирасида	Магистратурада ўқув жараёнини бошқариш, ташкил этиш, ўқув-методик таъминлашнинг янги механизмларини назарда тутувчи янгаланган норматив-методик база
2.	Магистратура мутахассисларни учун давлат таълим стандартлари тузилмаси ва мазмунини такомиллаштириш	2007 йил декабрь	Олий ва ўрта маҳсус таълим вазирлиги, олий таълим муассасаларига эга бўлган вазирликлар ва идоралар	Кўзда тутиладиган бюджет ва бюджетдан ташқари маблағлар доирасида	Таркибий жиҳатдан такомиллаштирилган, мазмуни янгиланган, кадрларнинг асосий буюртмачилари билан келишилган Давлат таълим стандартлари
3.	Магистратурунинг ўқув режаларини модернизация қилиш ва таълим дастурлари мазмунини янгилаш	2007 йил декабрь	Олий ва ўрта маҳсус таълим вазирлиги, олий таълим муассасаларига эга бўлган вазирликлар ва идоралар	Кўзда тутиладиган бюджет ва бюджетдан ташқари маблағлар доирасида	Янгиланган ва предметлар рўйхати буюртмачилари билан келишилган ўқув режалари. Фан ва техниканинг замонавий ютуклари асосида тузилган, ишлаб чиқариш

					мутахассислари экспертизасидан ўтказилган ўкув дастурлари
4.	Магистратурани замонавий ўкув, илмий, махсус адабиётлар ва методик материаллар билан таъминлаш, Ўзбекистон Республикаси қонун хужжатларига мувофик магистратура учун ўкув ва методик адабиётлар муаллифларини моддий рағбатлантириш бўйича ҳаракатлар режасини ишлаб чиқиш ва амалга ошириш	2007-2008 ўкув йили	Олий ва ўрта махсус таълим вазирлиги, олий таълим муассасаларига эга бўлган вазирликлар ва идоралар	Олий ўкув юртларининг бюджетдан ташқари маблағлари. Олий ўкув юртларини ривожлантириш жамғармаси	Янада чукур ва кенг кўламли билим берадиган ўкув адабиётлари
5.	Магистрлар тайёрлаш тизимини қайта кўриб чиқиши ҳамда магистратурани республика олий таълим муассасаларида оқилона ва самарали жойлаштиришини таъминлаш	2007-2008 ўкув йили	Олий ва ўрта махсус таълим вазирлиги, Иктисадиёт вазирлиги, олий таълим муассасаларига эга бўлган вазирликлар ва идоралар	Кўзда тутиладиган бюджет ва бюджетдан ташқари маблағлар доирасида	Олий ўкув юртларида магистрлар тайёрлаш мутахассисларни рўйхатини мақбуллаштириш
6.	Ҳолатини пухта таҳлил қилиш асосида магистратуранинг моддий-техника базасини мустахкамлашни таъминлаш, замонавий ўкув ва лаборатория анжомлари, компьютер техникаси ҳамда дастурий махсулотлар билан жиҳозлаш	2008-2009 ўкув йили	Олий ва ўрта махсус таълим вазирлиги, олий таълим муассасаларига эга бўлган вазирликлар ва идоралар	Олий ўкув юртларининг бюджетдан ташқари маблағлари, кадрлар буюртмачилари бўлган корхона ва ташкилотлар маблағлари. Олий ўкув юртларини ривожлантириш жамғармаси	Замонавий лаборатория анжомлари, компьютер техникаси билан жиҳозланган ўкув-лаборатория базаси
7.	Магистратурада ўкувтарбия жараёни сифатини оширишининг самарали ва объектив механизмларини ишлаб чиқиши ва амалда жорий этиш	2007-2008 ўкув йили	Олий ва ўрта махсус таълим вазирлиги, олий таълим муассасаларига эга бўлган вазирликлар ва идоралар	Кўзда тутиладиган бюджет ва бюджетдан ташқари маблағлар доирасида	Ҳафталик юкламаларни мақбул режалаштирган ҳолда магистратурада ўкув жараёнини ташкил этиш, аудиториядаги ва мустақил машгулотларни тақсимлаш. Кафедраларнинг профессор-ўқитувчилар ва лаборатория тадқикотлари салоҳиятини ҳисобга олган ҳолда танлов асосида магистрлик диссертацияларини баҳариш. Мутахассислар тайёрлаш сифати назорат қилинишини таъминлаш
8.	Магистратура тизимининг профессор-ўқитувчилар таркиби	2007-2008 йиллар	Олий ва ўрта махсус таълим вазирлиги, «Истебъод»	Кўзда тутиладиган бюджет маблағлари доирасида, олий	Магистратурада дарс бериш ва ўқитиш сифатини ошириш,

	хамда бошқарув кадрлари малакасини ошириш ва уларни қайта тайёрлаш. Магистратура ўқитувчиларининг ва ёш олимларнинг мамлакатимиздаги ва чет эллардаги етакчи университетларда ва илмий марказларда тажрибасини ошириш. Илфор технологияга эга бўлган университетлар ва илмий марказларда республиканинг олий таълим муассасаларига педагогик ишга юборилган магистратура битирувчиларининг малака ошириши учун устувор шарт-шароитлар яратиш. Илмий ютуқлар, ўқитишнинг фаол педагогик ва ахборот технологияларини ишлаб чиқиш ва таълим жараёнига жорий этиш, магистратуранинг ўкув предметлари бўйича ўкув-методик материаллар яратиш учун ўқитувчиларга шарт-шароитлар яратиш		жамғармаси, олий таълим муассасаларига эга бўлган вазирликлар ва идоралар	ўқув юртларининг бюджетдан ташқари маблағлари, кадрлар буюртмачилари бўлган корхона ва ташкилотлар маблағлари, «Истеъод» жамғармаси	хорижий профессорлар билан биргаликда магистрлик дастурлари учун дарслклар ва ўкув қўлланмалари нашр этиш
9.	Магистрлар тайёрлашни ишлаб чиқариш, академик ва тармок фани, етакчи хорижий университетлар билан самарали интеграциялаш шакллари ва механизmlарини жорий этиш	2007-2008 йиллар	Олий ва ўрта маҳсус таълим вазирлиги, Фанлар академияси, Олий аттестация комиссияси, Вазирлар Маҳкамаси хузуридаги Фан ва технологияларни ривожлантиришини мувофиқлаштириш кўмитаси, олий таълим муассасаларига эга бўлган вазирликлар ва идоралар	Олий ўкув юртларининг бюджетдан ташқари маблағлари, кадрлар буюртмачилари бўлган корхона ва ташкилотлар маблағлари	Олий ўкув юртлари академик институтлар, магистрлар тайёрлашдан манфаатдор бўлган корхоналар ва ташкилотларнинг биргаликдаги ҳаракат дастурлари. Магистрларни илмий тадқиқотларга, шу жумладан олий таълим, ўрта ва кичик бизнесни модернизация қилиш билан боғлиқ иқтисодиёт тармоклари муаммолари бўйича илмий тадқиқотларга жалб этиш
10.	Магистратура фаолиятини ахборотлар билан таъминлашни такомиллаштириш ва унинг ахборот маконини ривожлантириш:	2007-2008 йиллар	Олий ва ўрта маҳсус таълим вазирлиги, Ўзбекистон алоқа ва ахборотлаштириш агентлиги, олий таълим муассасаларига эга	Олий ўкув юртларининг бюджетдан ташқари маблағлари, кадрлар буюртмачилари бўлган корхона ва ташкилотлар	Магистрлар тайёрлаш ахборот маконини ривожлантириш

	Интернетга ва олий ўкув юртлариаро тармокларга, вазирликлар ва идораларнинг порталларига, олий таълим муассасалари сайтларига ва шу кабиларга чиқишининг маҳсус шакл ва йўлларини таъминлаш асосида магистрларнинг мустақил машғулотларини ахборотлар билан кўллаб-қувватлашни таъминлаш; магистрларнинг марказий ва тармоқ кутубхоналари фонdlарида ишлаши учун маҳсус шартшароитларни таъминлаш; шахслароро ахборотлар алмашиш, форумлар, мунозара клублари ва шу кабиларни ташкил этиш учун шартшароитлар яратиш		бўлган вазирликлар ва идоралар	маблағлари	
11.	Магистрлар тайёрлашнинг давлат ва жамоат бошқаруви шакл ва методларини такомиллаштириш. Битирувчиларни самарали равища ишга жойлаштириш бўйича таъсирчан чоратадбирлар яратиш	2007-2008 йиллар	Олий ва ўрта маҳсус таълим вазирлиги, олий таълим муассасаларига эга бўлган вазирликлар ва идоралар	Олий ўкув юртларининг бюджетдан ташқари маблағлари, кадрлар буюртмачилари бўлган корхона ва ташкилотлар маблағлари	Магистрлар тайёрлаш сифатини бошқариш тизимини такомиллаштириш. Ушбу жараёнга манфаатдор идораларни, корхоналарни жалб этиш
12.	Молиялаштириш тизими самарадорлигини ошириш, бюджет ва бюджетдан ташқари маблағлардан фойдаланиш шакллари ва механизмларини такомиллаштириш	2007-2008 йиллар	Олий ва ўрта маҳсус таълим вазирлиги, Молия вазирлиги, Иктисадиёт вазирлиги, олий таълим муассасаларига эга бўлган вазирликлар ва идоралар	Олий ўкув юртларининг бюджетдан ташқари маблағлари, кадрлар буюртмачилари бўлган корхона ва ташкилотлар маблағлари	Магистрлар тайёрлашни ривожлантиришга сарфлаш учун (турли бюджетдан ташқари манбалардан тушадиган) маблағларни кўпайтириш

Вазирлар Маҳкамасининг
2007 йил 10 сентябрдаги 190-сон қарорига
2-ИЛОВА

Олий таълим муассасаси магистратура бўлимининг штат бирликлари рўйхати

T/p	Лавозимлар номи*	Штат бирликлари сони	Ягона тариф сеткаси бўйича разряд	Тариф коэффициенти	Лавозим маоши (сўмларда)
1.	Бўлим бошлиги	1	9	4,797	74473
2.	Методист	1	5	3,467	53825

	Хаммаси:	2			
--	----------	---	--	--	--

Изоҳ: * — магистрлар сони 200 кишигача бўлганда 0,5 ставка белгиланади.